



Broj: 02-04-4301-4/26
Sarajevo, 12.02.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 41. Zakona o pružanju besplatne pravne pomoći („Službene novine Kantona Sarajevo“, broj: 1/12, 26/14, 40/17 i 19/23) Vlada Kantona Sarajevo, na **115.** sjednici održanoj **12.02.2026.** godine, donijela je

ZAKLJUČAK

1. Prihvata se Izvještaj o radu Kantonalnog zavoda za pružanje besplatne pravne pomoći za 2025. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Kantonalni zavod za pružanje besplatne pravne pomoći,
6. Evidencija,
7. A r h i v a.



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Broj:
Sarajevo,

Na osnovu člana 117., a u vezi sa članom 120. stav 2. Poslovnika Skupštine Kantona Sarajevo ("Službene novine Kantona Sarajevo", broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), povodom razmatranja Izvještaja o radu Kantonalnog zavoda za pružanje besplatne pravne pomoći za 2025. godinu, Skupština Kantona Sarajevo na sjednici održanoj dana godine, donijela je sljedeći

ZAKLJUČAK

Usvaja se Izvještaj o radu Kantonalnog zavoda za pružanje besplatne pravne pomoći za 2025. godinu.

**PREDSJEDAVAJUĆI
SKUPŠTINE KANTONA SARAJEVO**

ELVEDIN OKERIĆ

OBRAZLOŽENJE

I- PRAVNI OSNOV

Pravni osnov za donošenje ovog Zaključka sadržan je u članu 117. a u vezi člana 120. stav 2. Poslovnika Skupštine Kantona Sarajevo ("Službene novine Kantona Sarajevo", broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), kojim je utvrđeno da Skupština Kantona Sarajevo u okviru svojih nadležnosti utvrđenih Ustavom Kantona Sarajevo donosi između ostalog *odluke i zaključke*, te članom 41. Zakona o pružanju besplatne pravne pomoći ("Službene novine Kantona Sarajevo", broj 1/12, 26/14, 40/17 i 19/23), u vezi sa članom 92. stav (1) tačka 2) i 95. Zakona o organizaciji organa uprave u Federaciji BiH ("Službene novine Federacije BiH", broj 35/05).

II-RAZLOZI ZA DONOŠENJE

Odredbom člana 41. Zakona o pružanju besplatne pravne pomoći ("Službene novine Kantona Sarajevo", broj: 1/12, 26/14, 40/17 i 19/23), radi praćenja i unaprjeđenja besplatne pravne pomoći regulisano je da Zavod podnosi Vladi i Skupštini Kantona godišnji izvještaj o radu, a takva obaveza regulisana je i odredbom člana 95. Zakona o organizaciji organa uprave u Federaciji BiH ("Službene novine Federacije BiH", broj: 35/05).

Kantonalni zavod za pružanje besplatne pravne pomoći je shodno važećim propisima i Odlukom o metodologiji izrade i donošenja planova rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", broj 18/25), sačinio Izvještaj o radu za 2025. godinu, te se isti shodno naprijed citiranim odredbama Zakona o pružanju besplatne pravne pomoći i Zakona o organizaciji organa uprave u Federaciji BiH dostavlja Skupštini Kantona Sarajevo na razmatranje i usvajanje.



Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

Član 120.

Zaključkom Skupština odlučuje o svom radu i o radu radnih tijela Skupštine i Službe Skupštine.

Zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Radna tijela Skupštine donose zaključke iz svog domena rada.

Izvod iz Zakona o pružanju besplatne pravne pomoći ("Službene novine Kantona Sarajevo", bro: 1/12 , 26/14, 40/17 i 19/23)

Član 41.

(Javnost rada i izvještavanje)

(1) Zavod osigurava kontinuirano pružanje informacija javnosti o ciljevima, načinu obezbjeđenja i drugim pitanjima iz oblasti besplatne pravne pomoći.

(2) Radi praćenja i unaprjeđenja besplatne pravne pomoći, Zavod podnosi Vladi i Skupštini Kantona godišnji izvještaj o radu s prijedlogom mjera za unaprjeđenje sistema pružanja pravne pomoći, koji sadrži naročito podatke o broju korisnika besplatne pravne pomoći po oblastima u kojima je pružena pravna pomoć, broju i vrsti postupaka pred pravosudnim organima, organima uprave i drugim organima, trajanju postupaka, broju predmeta koji su u toku i drugim pitanjima od značaja za izvještavanje o pružanju besplatne pravne pomoći.

Izvod iz Zakona organizaciji organa uprave u Federaciji BiH ("Službene novine Federacije BiH", broj 35/05).

Član 92.

Organi uprave i upravne organizacije na svim nivoima vlasti odgovorni su za svoj rad i stanje u oblasti za koju su osnovani sljedećim organima i to:

- 1) federalni organi uprave i upravne organizacije odgovorni su Vladi Federacije;
- 2) kantonalni organi uprave i upravne organizacije odgovorni su vladi kantona;**
- 3) općinski organi uprave i upravne organizacije odgovorni su općinskom načelniku;
- 4) gradski organi uprave i upravne organizacije odgovorni su gradonačelniku.

Član 95.

Organi uprave i upravne organizacije obavezni su organima vlasti iz člana 92. stav (1) tačka 2) ovog Zakona dostavljati godišnje izvještaje o svom radu, a prema potrebi i češće, kao i izvještaj o stanju u oblastima iz njihove nadležnosti, te informacije, obavještenja, podatke, spise i drugu dokumentaciju koji su potrebni za rad izvršnih organa vlasti.

Izvod iz Odluke o metodologiji izrade i donošenja planova rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 18/25)

Član 16.

- (1) Stupanjem na snagu ove odluke prestaje da važi Odluka o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 1/23 – Prečišćeni tekst).
- (2) **Izuzetno od odredbi stava (1) ovog člana, Odluka o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, broj 1/23 – Prečišćeni tekst) primjenjivat će se prilikom izrade i donošenja godišnjih programa rada i godišnjih izvještaja o radu Vlade i kantonalnih organa i drugih kantonalnih organizacija za 2025. godinu.**

Bosna i Hercegovina
Federacija Bosne i Hercegovine
KANTON SARAJEVO
Kantonalni Zavod za pružanje
besplatne pravne pomoći



Босна и Херцеговина
Федерација Босне и Херцеговине
КАНТОН САРАЈЕВО
Кантонални завод за пружање
бесплатне правне помоћи

Bosnia and Herzegovina
Federation of Bosnia and Herzegovina
CANTON SARAJEVO
Cantonal Institute for Free Legal Aid

**IZVJEŠTAJ O RADU I FINANSIJSKOM POSLOVANJU
KANTONALNOG ZAVODA
ZA PRUŽANJE BESPLATNE PRAVNE POMOĆI
ZA 2025. GODINU**

Sarajevo, januar 2026. godine

I – UVODNI DIO	3
II – PROGRAMSKI DIO	3
III - NORMATIVNI DIO	4
IV – TEMATSKI DIO	4
V – FINANSIJSKI DIO	5
VI – KAPITALNI PROJEKTI	8
VII – OCJENA STANJA I POSTIGNUTIH REZULTATA	8
VIII – PROGRAMSKA ORIJENTACIJA	14
IX – IZVRŠENJE KONTINUIRANIH POSLOVA	14
X - PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI ZAVODA	15
XI - NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, GRADOM SARAJEVOM, OMBUDSMENIMA I NEVLADINIM SEKTOROM	20

U skladu sa članom 16. stav (2) Odluke o metodologiji izrade i donošenju planova rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 18/25), donosi se Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2025. godinu.

Gramatička terminologija korištenja muškog i ženskog roda za pojmove u ovom Izvještaju uključuje oba roda.

I UVODNI DIO

Kantonalni Zavod za pružanje besplatne pravne pomoći Sarajevo (u daljnjem tekstu: Zavod) osnovan je donošenjem Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), kao samostalna upravna organizacija, te je utvrđen njegov djelokrug i početak rada. Odredbom člana 27. Zakona o ministarstvima i drugim organima uprave Kantona Sarajevo ("Službene novine Kantona Sarajevo", br. 40/22) propisano je da *Kantonalni Zavod za pružanje besplatne pravne pomoći vrši upravne i stručne poslove koji se odnose na pružanje besplatne pravne pomoći građanima lošeg imovinskog stanja na način i pod uslovima utvrđenim zakonom kojim se reguliše pružanje besplatne pravne pomoći.*

Zakon o pružanju besplatne pravne pomoći stvorio je pravni okvir i regulisao je oblike ostvarivanja besplatne pravne pomoći, korisnike besplatne pravne pomoći, postupke u kojima se pruža i u kojima se ne pruža besplatna pravna pomoć, postupak u ostvarivanju prava na besplatnu pravnu pomoć i druga pitanja od značaja za rad Zavoda u pružanju besplatne pravne pomoći. Na taj način prepoznata je potreba i nužnost uvođenja instituta besplatne pravne pomoći, te su, u cilju osiguranja principa jednakosti i nediskriminacije građana, kao i ispunjavanja međunarodnih standarda kroz pristup pravdi pred sudom i drugim organima, Vlada i Skupština Kantona Sarajevo stvorile pravni i institucionalni okvir za njegovo uspostavljanje i rad. Navedene aktivnosti predstavljaju ispunjavanje obaveza iz člana 8. stav 1. Ustava Kantona Sarajevo, kojim je regulisano da *će Skupština obezbijediti donošenje takvih propisa kojim će se u prvom redu zaštititi utvrđena ljudska prava i slobode, te uvesti efikasni instrumenti zaštite.*

Osnivanje Zavoda prvenstveno je imalo za cilj stvaranje uslova za institucionalno pružanje besplatne pravne pomoći u parničnom, vanparničnom, izvršnom i upravnom postupku i upravnom sporu, na način da se korisnicima omogući pristup pravdi pred sudom i drugim organima pod jednakim uslovima i bez diskriminacije.

Pored toga, pravne zastupnike Zavoda, u skladu sa odredbama Zakona o krivičnom postupku F BiH, nadležni sudovi u Kantonu Sarajevu postavljaju kao braniocce po službenoj dužnosti u krivičnom i prekršajnom postupku.

II PROGRAMSKI DIO

Zavod je u cilju unapređenja pružanja besplatne pravne pomoći u velikoj mjeri realizovao planirane programske aktivnosti, kako slijedi:

❖ Kadrovska popuna

Popunjeno je 1 (jedno) upražnjeno radno mjesto, i to:

- a) stručni savjetnik – pravni zastupnik za pružanje besplatne pravne pomoći u upravnom postupku, upravnom sporu, parničnom, vanparničnom i izvršnom postupku (državni službenik).

❖ Edukacija pravnih zastupnika iz oblasti prava u kojima se pruža besplatna pravna pomoć

U 2025. godini stručno obrazovanje i usavršavanje zaposlenika Zavoda odvijalo se u skladu sa odobrenim budžetskim sredstvima i radnim obavezama državnih službenika. Kompletan prikaz predstavljen je u tabeli na stranici 18 i 19.

❖ Saradnja sa zavodima za pružanje besplatne pravne pomoći iz Fedracije Bosne i Hercegovine, centrima za besplatnu pravnu pomoć Republike Srpske, nevladinim organizacijama, organima uprave i drugim institucijama sa područja Kantona Sarajevo

Nastavljena je efikasna saradnja sa naprijed navedenim institucijama.

❖ Informisanje javnosti o ciljevima rada Zavoda, ostvareno je putem:

- a) promotivnih letaka,
- b) web stranice
- c) facebook stranice.

❖ Izvršavanje kontinuiranih poslova

Svi poslovi iz djelokruga Zavoda izvršavani su u skladu sa zakonskim, podzakonskim i drugim aktima i u skladu sa utvrđenim rokovima.

III NORMATIVNI DIO

Zavod za pružanje besplatne pravne pomoći nije imao programiranih i neprogramiranih nacrti i prijedloga zakona i/ili podzakonskih akata.

IV TEMATSKI DIO

I Nacrt Programa rada Kantonalnog Zavoda za pružanje besplatne pravne pomoći za 2025. godinu, broj 28-01-04-140/24 od 14.10.2024. godine, izrađen je u skladu sa Odlukom o metodologiji izrade i

donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 1/23).

II Izvještaj o radu i finansijskom poslovanju Kantonalnog Zavoda za pružanje besplatne pravne pomoći za 2024. godinu:

- Zaključak Vlade Kantona Sarajevo broj 02-04-3886-4/25 od 6.2.2025. godine kojim se Izvještaj prihvata.
- Zaključak Skupštine Kantona Sarajevo broj 01-04-34584/25 od 16.6.2025. godine kojim se Izvještaj usvaja.

III Nacrt Godišnjeg plana rada Kantonalnog Zavoda za pružanje besplatne pravne pomoći za 2026. godinu izrađen je na osnovu člana 5. stav (8) Odluke o metodologiji izrade i donošenju planova rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 18/25).

IV Trogodišnji plan rada Kantonalnog Zavoda za pružanje besplatne pravne pomoći za 2026. godinu izrađen je na osnovu člana 3. Odluke o metodologiji izrade i donošenju planova rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 18/25).

V FINANSIJSKI DIO

Planirani rashodi i izdaci Kantonalnog Zavoda za pružanje besplatne pravne pomoći u 2025. godini iznosili su 942.332,00 KM, a izvršeni su u iznosu od 894.328,29 KM, odnosno 94,91%.

Kantonalni Zavod za pružanje besplatne pravne pomoći finansira se isključivo iz budžetskih sredstava, a sve transakcije vrše se putem jedinstvenog računa Trezora, odnosno Ministarstva finansija Kantona Sarajevo.

Tabelarni pregled Budžeta / Finansijskog plana (*Budžet/financijski plan januar-decembar 2025., izvršenje januar-decembar 2025., izvršenje januar-decembar 2024., izvršenje u % za 2025.*), iskazan je u tabeli:

32010001	KANTONALNI ZAVOD ZA PRUŽANJE BESPLATNE PRAVNE POMOCI				
1	2	3	4	5	6
KONTO	OPIS	BUDŽET/ FINANCIJSKI PLAN	IZVRŠENJE	IZVRŠENJE	IZVRŠENJE %
		JAN-DEC 2025	JAN-DEC 2025	JAN-DEC 2024	(4/3)
	UKUPNO TEKUĆI IZDACI	932.232,00	886.547,72	758.768,64	95,10%
611000	Place i naknade troškova zaposlenih	751.158,00	647.141,55	604.799,45	86,15%
611100	Bruto place i naknade	647.471,00	647.141,55	561.361,89	99,95%
611200	Naknade troškova zaposlenih i skupštinskih zas	103.687,00	99.147,28	43.437,56	95,62%
XAA001	Naknada troškova prevoza na posao i s posla	8.550,00	8.542,00	6.625,00	99,91%
XAA002	Naknada za topli obrok	40.750,00	40.006,54	29.503,06	98,18%
XAA003	Naknada za regres za godišnji odmor	10.387,00	10.387,00	7.309,50	100,00%
XAA004	Naknada zbog odlaska u penziju	38.000,00	34.211,74	0,00	90,03%
XAA005	Naknada u slučaju smrti i teže invalidnosti	6.000,00	6.000,00	0,00	100,00%
612000	Doprinosi poslodavca	60.322,00	49.748,44	58.942,99	82,47%
613000	Izdaci za materijal, sitni inventar i usluge	120.752,00	90.510,45	95.026,20	74,96%
613100	Putni troškovi	8.000,00	685,00	1.848,70	8,56%
613200	Izdaci za energiju	7.000,00	5.182,43	4.820,34	74,03%
613300	Izdaci za komunalne usluge	8.000,00	7.155,37	5.607,20	89,44%
613400	Nabavka materijala i sitnog inventara	8.000,00	5.554,48	6.461,25	69,43%
613500	Izdaci za usluge prevoza i goriva	4.000,00	857,58	788,56	21,44%
613600	Unajmljivanje imovine, opreme i nematerijalne ir	61.535,00	60.669,00	59.174,40	98,59%
613700	Izdaci za tekuće održavanje	5.000,00	912,88	2.929,08	18,26%
613800	Izdaci osiguranja i bankarskih usluga i usluga pl	1.800,00	919,59	878,77	51,09%
613900	Ugovorene usluge	17.417,00	8.572,79	12.517,90	49,22%
613900	Ugovorene usluge	12.000,00	4.385,48	7.948,86	36,55%
XAK001	Posebna naknada na dohodak za zaštitu od pri	2.117,00	2.037,48	1.764,28	96,24%
XAK002	Posebna naknada za podsticanje rehabilitacije i	3.300,00	3.234,37	2.804,76	98,01%
	UKUPNO TEKUĆI TRANSFERI	100,00	0,00	0,00	0,00%
614000	Tekuci transferi i drugi tekuci izdaci	100,00	0,00	0,00	0,00%
614800	Drugi tekuci rashodi	100,00	0,00	0,00	0,00%
	UKUPNO ZA NABAVKU STALNIH SRE	10.000,00	6.996,00	6.157,98	69,96%
821000	Izdaci za nabavku stalnih sredstava	10.000,00	6.996,00	6.157,98	69,96%
821300	Nabavka opreme	10.000,00	6.996,00	6.157,98	69,96%
				0,00	
	SVEUKUPNO RASHODI I IZDACI	942.332,00	894.328,29	764.926,62	94,91%
	Broj zaposlenih	13	13	13	

U IV kvartalu 2025. godine izvršena je preraspodjela Budžeta u ukupnom iznosu od 20.750,00 KM.

❖ Nabavka stalnih sredstava - Nabavka opreme

U 2025. godini izvršena je nabavka opreme u ukupnom iznosu od 6.996,00 KM.

❖ JAVNE NABAVKE

Provedeno je 34 (tridesetičetiri) postupka javnih nabavki koje su izvršene na osnovu donesenog Plana javnih nabavki za 2025. godinu, te još 3 (tri) Izmjene i dopune Plana javnih nabavki za 2025. godinu, a u skladu sa Zakonom o javnim nabavkama, Izmjenama i dopunama Zakona o javnim nabavkama i podzakonskim aktima. Javne nabavke su provedene putem postupka javne nabavke male vrijednosti - direktnog sporazuma.

Izuzetno od navedenog, postupci zakupa poslovnog i garažnog prostora, izuzeti su u skladu sa članom 10a stav (1) tačka a) Zakona o javnim nabavkama.

❖ NETO PLAĆA I DRUGA PRIMANJA

Tabelarni pregled neto plaća zaposlenika Zavoda za 2025. godinu, razvrstan po radnim mjestima:

NAZIV RADNOG MJESTA	KOEFICIJENT	OSNOVICA OBRAČUN PLAĆE	ZA IZNOS OSNOVNE PLAĆE
Direktor	8,8	400,00	3.520,00
Pomoćnik direktora za upravni postupak, upravni spor, parnični, vanparnični i izvršni postupak	5,7	400,00	2.280,00
Pomoćnik direktora za krivični i prekršajni postupak	5,7	400,00	2.280,00
Stručni savjetnik - pravni zastupnik za upravni postupak, upravni spor, parnični, vanparnični i izvršni postupak	5,2	400,00	2.080,00
Stručni savjetnik - pravni zastupnik za krivični i prekršajni postupak	5,2	400,00	2.080,00
Stručni savjetnik za ekonomske poslove	4,10	400,00	1.640,00
Stručni savjetnik za pravne i kadrovske poslove	4,10	400,00	1.640,00
Stručni saradnik za pružanje besplatne pravne pomoći iz upravne i građanske oblasti	3,7	400,00	1.480,00

Viši referent - tehnički sekretar	2,7	400,00	1.080,00
Viši referent za administrativno - pravne poslove	2,7	400,00	1.080,00
Viši referent administrativno - tehničke poslove i poslove vozača - kurira	2,7	400,00	1.080,00

Pravni zastupnici Zavoda, u skladu sa odredbom člana 26. stav 4. Zakona o pružanju besplatne pravne pomoći, imaju pravo na uvećanje plaće u visini od 20% (zbog posebnih ovlaštenja i posebnih uslova rada).

Državni službenici i namještenici Zavoda, u skladu sa Kolektivnim ugovorom za državne službenike i namještenike u organima državne službe Kantona Sarajevo, imaju pravo na uvećanje plaće od 10% po osnovu posebne prirode posla.

VI KAPITALNI PROJEKTI

Zavod u 2025. godini nije imao kapitalnih projekata.

VII OCJENA STANJA POSTIGNUTIH REZULTATA

U izvještajnom periodu ostvareni su sljedeći rezultati:

1. Pruženo je 4556 općih informacija strankama koje su se obratile Zavodu,
2. Podnesena su 642 zahtjeva za pružanje besplatne pravne pomoći,
3. Troškovi pravnih radnji preduzetih u okviru građanskog sektora mogu se iskazati u iznosu od 360.341,00 KM, čime je ova vrijednost udvostručena u odnosu na prethodnu godinu,
4. Troškovi pravnih radnji preduzetih u okviru krivičnog i prekršajnog sektora mogu se iskazati u iznosu od 615.307,00 KM, što predstavlja direktnu uštedu Budžeta Kantona Sarajevo.
5. Nastavljena je saradnja između Zavoda sa Općinom Hadžići i Općinom Ilijaš u vidu održavanja uredovnih dana jednom mjesečno u svakoj od ovih općina.

U nastavku Izvještaja bit će prikazano stanje i postignuti rezultati po organizacionim jedinicama.

❖ SEKTOR ZA UPRAVNI POSTUPAK, UPRAVNI SPOR, PARNIČNI, VANPARNIČNI I IZVRŠNI POSTUPAK (građanski sektor)

Sektoru za upravni postupak, upravni spor, parnični, vanparnični i izvršni postupak podnesena su 585 zahtjeva za pravnu pomoć iz svih oblasti prava, od kojih je u svim predmetima pružen stručni pravni savjet o načinu i mogućnostima rješavanja konkretnog pravnog pitanja, a od navedenog broja zahtjeva dodatno je formirano 342 predmeta iz različitih oblasti prava.

Pravni zastupnici su se pored stručnosti iz različitih oblasti prava, iskazali i u profesionalan pristupu, i pokazanom senzibilitetu prema svim korisnicima usluga Zavoda.

Usluga pružanja pravne pomoći *zastupanja* korisnika pred sudom i/ili drugim organima, koja ujedno predstavlja i najodgovorniji i najozbiljniji nivo pravne zaštite, povećana je za 70,37%,

Pravni zastupnici pristupili su na 113 ročišta.

❖ UPRAVNI POSTUPAK

U izvještajnom periodu, pravni zastupnici Zavoda postupali su u 103 upravna predmeta iz penzionog, socijalnog, porodičnog, obligacionog, radnog, stambenog i stvarnog prava, zatim prava demobilisanih boraca, porodica šehida, nestalih i umrlih boraca, RVI, CŽR, prava učenika iz obrazovanja, zdravstvenog osiguranja, doprinosa, prava tražioca azila, izbjeglica i lica pod supsidijarnom zaštitom iz Zakona o azilu, Zakona o strancima i dr.

Uočeno je da se najveći broj preduzetih radnji u okviru upravnog postupka odnosi na sastav:

- žalbi u postupku ostvarivanja prava branilaca i članova njihovih porodica po osnovu pripadnosti OS ARBIH/pogibije/nestanka/umiranja pripadnika OS ARBIH/RVI te oštećenja organizma - povećanja procenta RVI (egzistencijalna naknada, porodična invalidnina, lična invalidnina, pravo na njegu i pomoć drugog lica, ortopedski dodatak, zdravstvenu zaštitu, prioritarno stambeno zbrinavanje i dr.),
- izjašnjenja na nalaz, ocjenu i mišljenje Instituta za medicinsko vještačenje u postupku procjene invalidnosti za lica RVI i druga lica sa invaliditetom,
- zahtjeva nadležnim općinama, centrima za socijalni rad, upravama Kantona Sarajeva, Zavodu za izgradnju Kantona Sarajeva, Službi za zajedničke poslove organa i tijela Federacije Bosne i Hercegovine u postupku ostvarivanja prava na smještaj - dodjeli stana na korištenje ili zakup te postupku odgode/obustave postupka izvršenja rješenja o iseljenju iz stana licima u stanju socijalne potrebe, demobilisanim borcima RVI i dr.,
- zahtjeva za vršenje inspeksijskog nadzora i dr.

U 2025. godini je prvi put odobrena pravna pomoć licu pod supsidijarnom zaštitom koje se nalazi na teritoriji Bosne i Hercegovine. Pravna pomoć se odnosila na sastav i podnošenje zahtjeva Ministarstvu za ljudska prava i izbjeglice Bosne i Hercegovine za ostvarivanje prava na smještaj, pomoć pri integraciji u društvo Bosne i Hercegovine, na informisanje, te zdravstvenu zaštitu koja ovim osobama pripada u skladu sa zakonskim i podzakonskim aktima donesenim na nivou Bosne i Hercegovine.

❖ UPRAVNI SPOR

U izvještajnom periodu zaprimljeno je 10 zahtjeva za pokretanje upravnog spora, što, u odnosu na prethodnu godinu, predstavlja povećane od 150%.

Najveći broj ovih zahtjeva odnosi na poništenje rješenja kojim je odbijena žalba u postupku ostvarivanja prava RVI i drugih lica sa invaliditetom za povećanjem procenta invaliditeta po osnovu pogoršanja oboljenja, zatim na iseljenje bespravnih korisnika stana, te dodjele stana RVI iz Fonda stanova bivšeg FMO i Vojske FBiH u kojem slučaju je podnesena i Apelacija Ustavnom sudu BiH.

❖ PARNIČNI POSTUPAK

U okviru parničnog postupka pravni zastupnici su postupali u ulozi punomoćnika tužitelja/tuženog u 211 parničnih predmeta iz različitih oblasti prava, a uočeno je povećanje broja zahtjeva iz porodičnog, obligacionog, stvarnog i radnog prava.

U izvještajnom periodu je u 67 predmeta sačinjen zahtjev za oslobađanje od plaćanja sudske takse zbog teške finansijske situacije korisnika.

Zabilježen je porast ukupnog broja parničnih predmeta za 30%.

Nadalje, odobreno je zastupanje korisnika pred sudom u 81 predmetu što predstavlja povećanje od 55,77%. Od ukupno 211 parničnih predmeta koji su bili u radu u 2025. godini okončano je 133, tako da broj okončanih predmeta iznosi 63,03%.


❖ VANPARNIČNI POSTUPAK

U izvještajnom periodu, pravni zastupnici Zavoda postupali su u ulozi punomoćnika predlagatelja u 25 vanparničnih predmeta u različitim oblastima prava, i to nasljednom, porodičnom, stvarnom i zemljišknjižnom. U okviru vanparničnog postupka odobreno je i zastupanje pred sudom u 6 predmeta što predstavlja povećanje od 200% u odnosu na prethodnu godinu.

❖ IZVRŠNI POSTUPAK

Pravni zastupnici su u ulozi punomoćnika tražioca izvršenja/izvršenika postupali u 52 izvršna predmeta. Zabilježen je rast od 16,67%.

❖ Troškovi pravnih radnji u okviru građanskog sektora, prikazani su u tabeli:



❖ SEKTOR ZA KRIVIČNI I PREKRŠAJNI POSTUPAK

❖ KRIVIČNI REFERAT

Pravni zastupnici iz krivičnog i prekršajnog referata nalaze se na Listi branilaca po službenoj dužnosti koju formira Ministarstvo pravde i uprave Kantona Sarajevo i kao takvi zastupaju pred Općinskim sudom u Sarajevu i Kantonalnim sudom u Sarajevu u predmetima koji se vode protiv punoljetnih i maloljetnih lica.

U izvještajnom periodu, nadležni sudovi su u 175 krivičnih predmeta postavili zaposlenike Zavoda kao braniocce po službenoj dužnosti.

U 25 predmeta postupano je po zahtjevu stranke.

Pravni zastupnici pristupili su na 632 pretresa pred nadležnim sudovima u Kantonu Sarajevo.

Tokom 2025. godine zaprimljeno 69 predmeta sa predloženom mjerom pritvora spram osumnjičenih i optuženih lica što predstavlja povećanje od $\approx 25,5\%$, a najveći broj pritvorskih predmeta vezan je za krivično djelo *nasilje u porodici*. U 9 predmeta izdate su potjernice.

Pritvorski predmeti su posebno zahtjevni, imajući u vidu hitno i ekspresno djelovanje, kratke rokove za postupanje i sl.

Povećanje ukupnog broja predmeta iz krivične oblasti u kojem su nadležni sudovi postavili pravne zastupnike kao braniocce po službenoj dužnosti iznosi $\approx 12,2\%$.

❖ PRIPREMNI POSTUPAK PREMA MALOLJETNIM LICIMA

U predmetima prema maloljetnim licima, branioci postupaju od prvog ispitivanja te poduzimaju sve radnje tokom cijelog pripremnog postupka, u skladu sa odredbama Zakona o zaštiti i postupanju sa djecom i maloljetnicima u krivičnom postupku FBiH.

U izvještajnom periodu zaprimljen je 41 predmet u kojima je pokrenut pripremni postupak spram maloljetnih lica. Većina ovih predmeta okončana je u fazi pripremnog postupka, što znači da ovi predmeti, iz razloga cjelishodnosti i najboljeg interesa maloljetnika, primjenjujući odredbe Zakona o zaštiti i postupanju sa djecom i maloljetnicima u krivičnom postupku, nisu dobili epilog na sudu.

U sudskim postupcima prema maloljetnim licima izricane su blaže mjere - odgojne mjere, te u ovom sektoru nije evidentirana kazna maloljetničkog zatvora.


❖ PREKRŠAJNI REFERAT

Nadležni sud je u 80 prekršajnih predmeta postavio pravne zastupnike ovog sektora kao braniocce po službenoj dužnosti.

U 32 predmeta postupano je po zahtjevu stranaka.

Pravni zastupnici pristupili su na 112 ročišta.


- ❖ Troškovi pravnih radnji u okviru Sektora za krivični i prekršajni postupak u 2025. i 2024. godini, iskazani su u tabeli:



Troškovi na ime zastupanja po službenoj dužnosti iznosili su 615.307,00 KM, a ovaj iznos predstavlja direktnu uštedu u Budžetu Kantona Sarajevo.

Pravni zastupnici Sektora za krivični i prekršajni postupak angažirali su se u potpunosti, koristeći sve raspoložive kapacitete i načine komunikacije sa pravosudnim i drugim nadležnim organima, korisnicima besplatne pravne pomoći/branjenicima, što je doprinijelo uspjehu ovog Sektora.

→ U nastavku je prikazana tabela *Predmeti po vrsti postupka* koja daje uvid u broj zaprimljenih predmeta u 2025. i 2024. godini:



❖ POSLOVI U IZVAN ORGANIZACIONOJ JEDINICI - PRIJEMNA KANCELARIJA

❖ Poslovi pisarnice - prijem i otprema pošte, vođenje upisnika, ažuriranje spisa i njihovo arhiviranje

Obaveza vođenja predmeta i evidencija u manuelnoj i elektronskoj formi utvrđena je članom 8. Zakona o pružanju besplatne pravne pomoći, Pravilnikom o obrascima, načinu vođenja i sadržaju evidencija o pruženoj pravnoj pomoći i propisima kojima se reguliše kancelarijsko poslovanje.

S tim u vezi, ističemo da je evidentirano sljedeće:

- ❖ 215 predmeta - djelovodnik predmeta i akata
- ❖ 3284 predmeta - glavna interna dostavna knjiga
- ❖ 5927 predmet - elektronsku bazu i odgovarajući upisnik, i to:
 - ◆ Upisnik Općih informacija: 4386
 - ◆ Upisnik Zahtjevi: 642
 - ◆ Upisnik Parnica: 156
 - ◆ Upisnik Izvršni predmeti: 49
 - ◆ Upisnik Vanparnični predmeti: 24
 - ◆ Upisnik Upravni predmeti: 103
 - ◆ Upisnik Upravni spor: 10
 - ◆ Upisnik Službena dužnost: 252
 - ◆ Upisnik Prekršajni predmeti: 105
 - ◆ Upisnik Krivični predmeti: 200

Izvršena je otprema 1005 raznih pismena.

U toku izvještajnog perioda obavljani su i svi drugi administrativno - tehnički i administrativno – pravni poslovi iz opisa radnog mjesta, u skladu sa zakonskim i podzakonskim propisima i u skladu sa utvrđenim rokovima.

VIII PROGRAMSKA ORIJENTACIJA

Programska orijentacija Zavoda u 2026. godini biće usmjerena na:

1. efikasno i zakonito izvršavanje poslova i zadataka iz nadležnosti Zavoda;
2. unapređenje kvaliteta i dostupnosti usluga u okviru djelatnosti Zavoda;
3. jačanje institucionalnih i kadrovskih kapaciteta Zavoda;
4. unapređenje organizacije rada i poslovnih procesa, uključujući digitalizaciju;
5. racionalno i odgovorno upravljanje finansijskim i drugim resursima,
6. optimizaciju postojećih procesa radi efikasnijeg izvršavanja zakonskih nadležnosti;
7. kontinuiranu stručnu edukaciju zaposlenih;
8. jačanje međuinstitucionalne saradnje na svim nivoima vlasti u Bosni i Hercegovini;
9. unapređenje transparentnosti i dostupnosti rada Zavoda.

IX IZVRŠENJE KONTINUIRANIH POSLOVA

- ❖ PRVOSTEPENO UPRAVNO RJEŠAVANJE - Zakon o pružanju besplatne pravne pomoći ("Sl. novine Kantona Sarajevo", br. 1/12, 26/14, 40/17 i 19/23) i Zakon o upravnom postupku F BiH ("Službene novine FBiH", br. 2/98, 48/99 i 61/22)
 - Poslovi odobravanja besplatne pravne pomoći

Poslovi odobravanja besplatne pravne pomoći odnose se na odlučivanje po zahtjevima stranaka za odobravanje besplatne pravne pomoći u propisanim rokovima.

- ❖ NADZOR NAD PROVOĐENJEM ZAKONA IZ NADLEŽNOSTI KANTONALNIH ORGANA – Zakon o organizaciji organa uprave u Federaciji Bosne i Hercegovine ("Sl. novine Federacije Bosne i Hercegovine ", br. 35/05)

→ U Zavodu nije bilo provedenih inspekcijskih nadzora.

- ❖ NADZOR NAD ZAKONITOŠĆU AKATA KOJIM SE RJEŠAVA U UPRAVNIM STVARIMA – DRUGOSTEPENO UPRAVNO RJEŠAVANJE - Zakon o upravnom postupku F BiH ("Službene novine FBiH", br. 2/98, 48/99 i 61/22), Zakon o pružanju besplatne pravne pomoći ("Sl. novine Kantona Sarajevo", br. 1/12, 26/14, 40/17 i 19/23), Zakon o organizaciji organa uprave u Federaciji Bosne i Hercegovine ("Sl. novine Federacije Bosne i Hercegovine ", br. 35/05)

→ U 2025. godini nije bilo zaprimljenih žalbi na rješenja o odobravanju besplatne pravne pomoći.

X PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI KANTONALNOG ORGANA

Unutrašnja organizacija Zavoda, kao samostalne upravne organizacije, organizovana je i regulisana Pravilnikom o unutrašnjoj organizaciji broj 28-01-02-175/2021 od 15.12.2021. godine, kroz sljedeće organizacione jedinice i to:

- ❖ Sektor za upravni postupak, upravni spor, parnični, vanparnični i izvršni postupak
- ❖ Sektor za krivični i prekršajni postupak i
- ❖ Izvan organizaciona jedinica.

Shematski prikaz:

KANTONALNI ZAVOD ZA PRUŽANJE BESPLATNE PRAVNE POMOĆI

DIREKTOR

SEKTOR ZA UPRAVNI POSTUPAK, UPRAVNI SPOR, PARNIČNI, VANPARNIČNI I IZVRŠNI POSTUPAK	SEKTOR ZA KRIVIČNI I PREKRŠAJNI POSTUPAK	IZVAN ORGANIZACIONA JEDINICA
Pomoćnik direktora za upravni postupak, upravni spor, parnični, vanparnični i izvršni postupak (VSS-1 izvršilac)	Pomoćnik direktora za krivični i prekršajni postupak (VSS-1 izvršilac)	Stručni savjetnik za ekonomske poslove (VSS-1 izvršilac)
Stručni savjetnik-pravni zastupnik za pružanje besplatne pravne pomoći u upravnom postupku, upravnom sporu parničnom, vanparničnom i izvršnom postupku (VSS-3 izvršioca)	Stručni savjetnik-pravni zastupnik za pružanje besplatne pravne pomoći u krivičnom i prekršajnom postupku (VSS-2 izvršioca)	Stručni savjetnik za pravne i kadrovske poslove (VSS-1 izvršilac)
Stručni saradnik za pružanje besplatne pravne pomoći iz upravne i građanske oblasti (VSS-1 izvršilac)	Stručni saradnik za pružanje besplatne pravne pomoći iz upravne i građanske oblasti (VSS-1 izvršilac)	Viši referent-tehički sekretar (SSS-1 izvršilac)
		Viši referent za administrativno pravne poslove (SSS-1 izvršilac)
		Viši referent za administrativno- tehničke poslove i poslove vozača- kurira (SSS-1 izvršilac)

Od 15 sistematizovanih radnih mjesta u izvještajnom periodu bilo je popunjeno 13 (trinaest) radnih mjesta. U mjesecu novembru i decembru donesena su rješenja o prestanku radnog odnosa za 2 (dva) državna službenika Zavoda zbog odlaska u penziju.

POPUNJENOST SISTEMATIZOVANIH RADNIH MJESTA

Naziv radnog mjesta	Predviđeno	Popunjeno	Upraznjeno
Direktor Kantonalnog Zavoda za pružanje besplatne pravne pomoći	1	1	0
Pomoćnik direktora za upravni postupak, upravni spor, parnični, vanparnični i izvršni postupak	1	1	0
Pomoćnik direktora za krivični i prekršajni postupak	1	1	0
Stručni savjetnik-pravni zastupnik za pružanje besplatne pravne pomoći za upravni postupak, upravni spor, parnični, vanparnični i izvršni postupak	3	2	1
Stručni savjetnik-pravni zastupnik za pružanje besplatne pravne pomoći za krivični i prekršajni postupak	2	2	0
Stručni saradnik za pružanje besplatne pravne pomoći iz upravne i građanske oblasti	1	1	0
Stručni saradnik za pružanje besplatne pravne pomoći iz krivične i prekršajne oblasti	1	0	1
Stručni savjetnik za ekonomske poslove	1	1	0
Stručni savjetnik za pravne i kadrovske poslove	1	1	0
Viši referent - tehnički sekretar	1	1	0
Viši referent za administrativno - pravne poslove	1	1	0
Viši referent za administrativno - tehničke poslove i poslove vozača - kurira	1	1	0
UKUPNO	15	13	2

POPUNJENOST PO STATUSU UPOSLENIKA

Status uposlenika	Predviđeno	Popunjeno	Upraznjeno
Rukovodilac samostalne kantonalne upravne organizacije	1	1	0
Državni službenik	11	9	2
Namještenik	3	3	0
UKUPNO	15	13	2

❖ Stručno obrazovanje i usavršavanje zaposlenika Zavoda

U cilju kontinuiranog edukovanja i usavršavanja znanja i vještina zaposlenika Zavoda, u oblastima prava iz kojih pružaju pravne usluge, zaposlenici su u 2025. godini prisustvovali mnogobrojnim seminarima, edukacijama, okruglim stolovima i dr., što je evidentirano u tabeli u prilogu:

Redni broj	Tema	Organizator
1.	Od početnika do stručnjaka u Microsoft excelu: Kompletan vodič kroz excel - Alati za rad s podacima: sortiranje, filtriranje i validacija podataka	Agencija za državnu službu FBIH
2.	Umjetna inteligencija u javnoj upravi	Agencija za državnu službu FBIH
3.	Tranziciona pravda i civilne žrtve rata	Centar za ljudska prava u Mostaru
4.	Jačanje tranzicione pravde kroz pristup pravdi za civilne žrtve rata	Centar za ljudska prava u Mostaru
5.	Principi pristupačnosti i podrške za osobe s invaliditetom u besplatnoj pravnoj pomoći	Udruženje Život sa Down sindromom FBiH
6.	Metodologija izrade propisa	Agencija za državnu službu FBIH
7.	Procjena utjecaja propisa i usklađenost sa propisima EU	Agencija za državnu službu FBIH
8.	Utvrdjivanje činjenica i dokazni postupak u upravnom postupku	Agencija za državnu službu FBIH
9.	Paragrafov forum za koordinate za FUK u javnom sektoru Federacije Bosne i Hercegovine	Paragraf LEX
10.	Uloga i značaj pružaoca besplatne pravne pomoći u ostvarenju pristupa pravdi za civilne žrtve rata	Centar za ljudska prava u Mostaru
11.	Rad u stresnom okruženju i upravljanje stresom	Agencija za državnu službu FBIH
12.	XXIII Savjetovanju iz krivičnopravne oblasti	Udruženja sudija/sudaca u Federaciji Bosne i Hercegovine
13.	Obuka trenera (ToT) na temu vođenja intervjua usmjerenih na žrtvu za aktere u oblasti borbe protiv trgovine ljudima	VIJEĆE EVROPE
14.	"Zakon o zaštiti ličnih podataka: Novine i obaveze organa državne službe od mjeseca oktobra 2025. godine"	Agencija za državnu službu FBIH
15.	Multisektorska koordinacija u slučajevima seksualnog nasilja"	Fondacija lokalne demokratije
16.	Jačanje pristupa pravdi i učinkovitim pravnim lijekovima za žrtve trgovine ljudima u BiH	Vijeće Europe

17.	Pružanje besplatne pravne pomoći izbjeglicama i strancima kojima je odobrena supsidijarna zaštita	Vaša Prava BiH
18.	Multisektorska saradnja u oblasti prevencije i zaštite od nasilja u porodici u Kantonu Sarajevo	Fondacija lokalne demokratije
19.	Obuka Energijski saradnika iz organizacione seme upravljanja energijom iz javnog sektora u FBiH	Fond za zaštitu okoliša

❖ RADNA MJESTA KOJA SE PLANIRAJU POPUNITI

Radna mjesta koje se planiraju popuniti u 2026. godini, sa podacima o nazivu radnog mjesta, planiranom broju izvršilaca i potrebnim kvalifikacijama - stručnom spremom i kratkim obrazloženjem, prikazana su u tabeli:

1.	Sistematizovani broj radnih mjesta	15
2.	Popunjeni broj radnih mjesta	11
3.	Radna mjesta koja se planiraju popuniti	2
3.1	Naziv radnog mjesta	1. Stručni savjetnik - pravni zastupnik za pružanje besplatne pravne pomoći u krivičnom i prekršajnom postupku - 1 izvršilac 2. Stručni savjetnik za ekonomske poslove - 1 izvršilac
3.2	Potrebna kvalifikacija	1. Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja pravne struke, položen pravosudni ispit, tri godine radnog staža u struci nakon položenog pravosudnog ispita, poznavanje rada na računaru. 2. Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja završen ekonomski fakultet ili drugu visokoobrazovnu

		instituciju ekonomske struke, tri godine radnog staža u struci nakon završene visoke stručne spreme propisane za radno mjesto, položen stručni ispit i poznavanje rada na računaru.
3.3	Stručna sprema za planirano radno mjesto	1. VSS 2. VSS
3.4	Kratko obrazloženje	U 2026. godini planirana je kadrovska popuna 2 (dva) upražnjena radna mjesta. Navedene pozicije su sistematizovane pravilnikom, te u cilju osnaženja kadrovskih kapaciteta Zavoda biće predmetom rada u 2026. godini.

XI NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, GRADOM SARAJEVOM, OMBUDSMENIMA, NEVLADINIM SEKTOROM I DR.

U cilju razmjene informacija i prakse u oblasti besplatne pravne pomoći, postizanja viših standarda u pružanju pravne pomoći, te praćenja prakse primjene zakonskih odredbi u određenim oblastima i analize potreba građana da svoja prava i obaveze rješavaju uz pružanje besplatne pravne pomoći, a sve u skladu sa odredbama člana 36. Zakona o pružanju besplatne pravne pomoći, Zavod će i u narednom periodu inicirati svaku vrstu saradnje u okviru svojih kapaciteta, ali odgovoriti i na svaki upit i zainteresovanost drugih organa, proširivati saradnju sa drugim zavodima za pružanje besplatne pravne pomoći i nevladinim organizacijama, te ministarstvima, centrima za socijalni rad, jedinicama lokalne samouprave i drugima.

DIREKTORICA

Emina Herdić, dipl. pravnica

